



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacri sacerdotij defensio co[n]tra Lutheru[m]

Fisher, John

Coloniæ, 1525

VD16 F 1240

XXVIII Caeteru[m] ut par est alia mensura populus recipit q[...] pastores &
gubernatores populi ...

urn:nbn:de:hbz:466:1-30878

CONGRESSVS SECVNDVS

mū oibus, qui uel p aplos, uel per alios qui potestatē ab aplos accepissent, gratiā donari nullus ambigere debet, modo non per eos ipsos steterit qui sic ordinabant. Et quid uetat, quo minus a spū gratia collata sit eiisdē copiosa? An non ipse spiritus sanctus fons exuberantissimus est gratiæ oim? An nō ob id potissimū in ecclesia nobiscū residet, ut gratiā istā imptiat ad ecclesiæ totius ædificationē? An nō Paulus quum clamat ad Epheseos. 4. Vnicuiq; nostrū datā esse gratiā, docet eam alia mensura datā apostolis, alia prophetis, alia euāgelistis, alia pastoribus & doctoribus, singulis tñ horū eā donari testat, atque id quidē ad instaurationē sanctorū in opus administrationis, in ædificationē corporis Christi, quod est ecclesia. An non I. Cor. 3. Paulus qui se uocat architectū, gratiā ob id accepit, ut ædificaretur ecclesia? Quod si Paulus eo sine gratiā acceperit, quū ædificiū istud adhuc minimē consummatū sit, oportet & iā alios architectos esse, quibus & gratia pariter ad ædificationem largiatur. Quum em̄ tabernaculum fœderis ædificaretur, uti supra meminimus, spiritus sanctus quosdā impleuit omni sapientia, intelligentia, & scientia quo possent in opere quouis excogitare quicquid esset egregie fabricandū. Ea munificentia spūs usus est, quū nondū uenisset tempus plenitudinis gratiæ. Nunc ergo missus, quū exuberat gratia, & ad hoc præcipue missus, ut ecclesia construat, sic huius structuræ artifices & a se quoq; constitutos contemnet, ut gratiā eis nullā impertiat? Quis hoc præter unū Lutherum credat? Non inficias eo quod populus quoq; gratiam acceperit.

XXVIII ¶ Cæterū ut par est alia mensura populus recipit q̄ pastores & gubernatores populi, Hoc inter præfides & populū interest, ut Paulo placet, quod inter architectū, & id quod ædificat, quod inter agricolā, & agrum qui colit. Sic em̄ Paulus .I. ad Corin. 3. dicit. Dei sum⁹ cooperarij. En se cæterosq; præfides cooperarios dei uocat. Dei (inquit) sumus cooperarij. Plæbem uero quid? Certe cooperarios neutiquam eos uocat sed magis id quod artis opera tractatur. Ad plæbem enim dicit. Dei agricolatio, dei ædificatio estis. Plæbem ergo Paulus appellat agricolationem & ædificationem dei, cuius coopera-

De sacra sacerdotij defensione cōtra Luth. XVIII.

rios, tū se, tū ceteros ecclesiarum præsides nuncupat. Nam & si deus agricola præcipuus sit præsides tamen ecclesiae similiter in scripturis agricolæ uocant. Nā in euāgelio Matt. dicitur Mali quū sint male p̄det, & uineā suā locabit alijs agricolis, q̄ reddent ei fructū temporibus suis. Ecce tempore legis, agricolæ fuerunt legis ipsius ministri, quos, q̄ mali fuerint, male perdidit uineā dñs. At nunc euangelij tēpore uineā suā alijs agricolis, hoc est, alijs ministris locauit excolendā, q̄s & affirmat fructū suis tēporibus allaturos. Agricolaē igit̄ quibus iā uinea dei locat̄, haud dubie præsides ecclesiae sunt. Atqui prioribus agricolis multā sane gratiam spiritus obtulit, q̄ diu se dignos exhibuerant ea gratia. Nā uti supra diximus quū non solus Moses sufficeret, ad tanti populi gubernationē, quibus dā senioribus per Moſen delectis, numero septuaginta, deus impartijt de spū qui Moſi traditus fuerat, quatenus & ipsi q̄ q̄ redderent ad gubernandū populū magis idonei. Istud illis agricolis fecit deus pro pp̄lo quē alioqui repudiandū uidit, Et his, quos ad excolendā plebē sanguine filij sui redemptā instituit, de spiritu Christi nihil impertiet.

¶ Adde, q̄ in illo pp̄lo, hi q̄ tēplo p̄fuerūt, nō mō sacerdos ipse maxim⁹, uerū etiā & minores q̄q̄ sacerdotes ungebant in eorū ordinatione. Quamobrē si quadret umbræ ueritas, ut & certe quadrare debet, oportet eos q̄ pastores ecclesiae p̄ maiorū manus ordinant, unctioe spūali gr̄a interi⁹ deliniri. Nā gr̄a spūs, unctio q̄dā spūalis est. Hic Lutherus exultat unctioem istam asserens cunctis christianis esse cōmunem, & proinde christianū unūquemq̄ sacerdotē esse cōtendit. Ch̄m em̄ dicit esse sacerdotē summū, ceteros aut̄ christianos omnes, esse minores sacerdotes. At hic quū sibi tū alijs Luther⁹ imponit. Nā si Ch̄s nobis summ⁹ sacerdos fuerit, & ceteri q̄q̄ ch̄iani minores habēdi sint sacerdotes, ubi nā populus erit? Si ueritas umbræ respōdeat oportet præter summū sacerdotē, & plābē minores quosdā esse sacerdotes, q̄ mediēt inter summū ipsū, & infimū populū. Deinde palam est, nō quemq̄ christianū e ecclesiae præfici, neq̄ populo sacerdotem esse, sed sibi soli Nos uero de sacerdotibus loq̄mur q̄ populo sacerdotes sunt,

Deus agricola dicitur

Mat. 21.

Prælati sunt agricolæ.

Numc. 11.

XXIX.

Leui. 8

Obiectio

Dilutio

Nō oēs ch̄iani sunt sacerdotes